

MESHA HYJNORE NË SHQIPEN E SOTME

Përgatiti

At Foti Cici

www.ShqiptarOrtodoks.com

Toronto 2005

MESHA HYJNORE E SHËN JOAN GOJARTIT

Prifti: E bekuar është mbretëria e Atit, e Birit dhe e Shpirtit të Shenjtë, tani e përherë, e në jetë të jetëve.

Populli: Amin.

Prifti: Me paqe le t'i lutemi Zotit.

Populli: Mëshiro, o Zot.

Prifti: Për paqen së larti dhe për shpëtimin e shpirtrave tanë, le t'i lutemi Zotit.

Populli: Mëshiro, o Zot.

Prifti: Për paqen e gjithë botës, për mbarëvajtjen e kishave të shenjta të Perëndisë, dhe për bashkimin e të gjithave, le t'i lutemi Zotit.

Populli: Mëshiro, o Zot.

Prifti: Për këtë shtëpi të shenjtë dhe për ata që hyjnë këtu me besim, nderim e frikë Perëndie, le t'i lutemi Zotit.

Populli: Mëshiro, o Zot.

Prifti: Për Kryepeshkopin tonë (*emri*), për priftërinë e nderuar dhe për dhjakonatën te Krishti, për gjithë klerin dhe popullin, le t'i lutemi Zotit.

Populli: Mëshiro, o Zot.

Prifti: Për kombin tonë, çdo autoritet e pushtet tek ai, le t'i lutemi Zotit.

Populli: Mëshiro, o Zot.

Prifti: Për këtë qytet, për çdo qytet e fshat, dhe për besimtarët që banojnë atje, le t'i lutemi Zotit.

Populli: Mëshiro, o Zot.

Prifti: Për mot të qëndrueshëm, begati të pemëve të dheut, dhe për stinë të buta, le t'i lutemi Zotit.

Populli: Mëshiro, o Zot.

Prifti: Për ata që udhëtojnë në tokë, det e ajër, për të sëmurët, ata që vuajnë, ata që ndodhen në robëri, për mbrojtjen dhe shpëtimin e tyre, le t'i lutemi Zotit.

Populli: Mëshiro, o Zot.

Prifti: Për të na ruajtur nga çdo trishtim, zemërim, rrezik e shtrëngim, le t'i lutemi Zotit.

Populli: Mëshiro, o Zot

Prifti: Ndiqmona, shpëtona, mëshirona dhe ruajna, o Perëndi, me hirin tënd.

Populli: Mëshiro, o Zot.

Prifti: Duke kujtuar të tërëshenjtën, të pacënuarën, të mbibekuarën, të lëvduarën, Zonjën tonë Hyjlindëse dhe gjithmonë Virgjëreshën Mari, bashkë me gjithë shenjtorët, le t'ia besojmë veten tonë e njëri-tjetrin dhe gjithë jetën tonë, Krishtit Perëndisë.

Populli: Ty, o Zot.

Prifti: *(me zë të ulët) Zoti Perëndia ynë, pushteti i të cilit është i pakrahasueshëm dhe lavdia e tij e papercptuar, përdëllimi i të cilit është i pakufishëm dhe dashuria për njeriun tej fjalëve; Ti o Zot, hidh syrin tënd mbi ne dhe mbi këtë shtëpi të shenjtë, dhe sipas dhembshurisë sate dërgo mbi ne dhe mbi ata që luten bashkë me ne mëshirën dhe përdëllimin tënd të pasur.*

Prifti: *(me zë të lartë) Se ty të përket gjithë lavdia, nderi e adhurimi, Atit e Birit dhe Shpirtit të Shenjtë, tani e përherë, e në jetë të jetëve.*

Populli: Amin.

Antifoni i parë¹

Populli: Beko Zotin, o shpirti im, dhe gjithë qenia ime bekoftë emrin e tij të shenjtë.

¹ Kur mesha kryhet në ditë jave, a kur është e kremte, vargjet e antifoneve janë ndryshe.

Populli: Me ndërmjetësimet e Hyjlindëses, Shpëtimtar, shpëtona.

Populli: Beko Zotin, o shpirti im, dhe mos harro asnjë nga bamirësitë e tij.

Populli: Me ndërmjetësimet e Hyjlindëses, Shpëtimtar, shpëtona.

Populli: Zoti ka përgatitur fronin e tij në qiell, dhe mbretëria e tij zotëron mbi të gjitha.

Populli: Me ndërmjetësimet e Hyjlindëses, Shpëtimtar, shpëtona.

Prifti: Përsëri dhe përsëri me paqe, le t'i lutemi Zotit.

Populli: Mëshiro, o Zot.

Prifti: Ndiqmona, shpëtona, mëshirona dhe ruajna, o Perëndi, me hirin tënd.

Populli: Mëshiro, o Zot.

Prifti: Duke kujtuar të tërëshenjtën, të pacënuarën, të mbibekuarën, të lëvduarën, Zonjën tonë Hyjlindëse dhe gjithmonë Virgjëreshën Mari, bashkë me gjithë shenjtoret, le t'ia besojmë veten tonë e njëri-tjetrit dhe gjithë jetën tonë, Krishtit Perëndisë.

Populli: Ty, o Zot.

Prifti: *(me zë të ulët)* O Zot, Perëndia ynë, shpëto popullin tënd dhe beko trashëgiminë tënde; mbroje plotërinë e Kishës sate; shenjtëroi ata që duan hijeshinë e shtëpisë sate; ti lëvdoi ata me fuqinë tënde hyjnore dhe mos na braktis ne që shpresojmë tek ti.

Prifti: *(me zë të lartë)* Se yti është pushteti dhe jotja është mbretëria, fuqia e lavdia, e Atit, e Birit dhe e Shpirtit të Shenjtë, tani e përherë, e në jetë të jetëve.

Populli: Amin.

Antifoni i dytë

Populli: Lëvdo Zotin, o shpirti im, do të lëvdoj Zotin në jetën time; do t'i këndoju Perëndisë tim sa të jem.

Populli: Shpëtona, o Bir i Perëndisë, që u ngjalle së vdekurish,² ne që të këndojmë Aliluia.

Populli: Lum ai që ka për ndihmë Perëndinë e Jakovit, që e ka shpresën te Zoti Perëndia i tij.

Populli: Shpëtona, o Bir i Perëndisë, që u ngjalle së vdekurish, ne që të këndojmë Aliluia.

Populli: Zoti do të mbretërojë përjetë; Perëndia yt, o Sion, do të mbretërojë brez pas brezi.

Populli: Shpëtona, o Bir i Perëndisë, që u ngjalle së vdekurish, ne që të këndojmë Aliluia.

Lavdi Atit e Birit edhe Shpirtit të Shenjtë.

Tani e përherë e në jetë të jetëve. Amin.

O i vetëmlindur Bir dhe Fjalë e Perëndisë, ti je i pavdekshëm, dhe pranove për shpëtimin tonë, të trupëzohesh nga Hyjlindësja e shenjtë dhe gjithmonë Virgjëresha Mari, duke u bërë njeri pa u ndryshuar; ti u kryqëzove, o Krisht Perëndi, dhe shkele vdekjen me vdekje, ti je një nga Trinia e Shenjtë dhe lëvdohesh bashkë me Atin dhe Shpirtin e Shenjtë, shpëtona.

Prifti: Përsëri dhe përsëri me paqe, le t'i lutemi Zotit.

Populli: Mëshiro, o Zot.

Prifti: Ndihmona, shpëtona, mëshirona dhe ruajna, o Perëndi, me hirin tënd.

Populli: Mëshiro, o Zot.

Prifti: Duke kujtuar të tërëshenjtën, të pacënuarën, të mbibekuarën, të lëvduarën, Zonjën tonë Hyjlindëse dhe gjithmonë Virgjëreshën Mari, bashkë me gjithë shenjtorët, le t'ia besojmë veten tonë e njëri-tjetrin dhe gjithë jetën tonë, Krishtit Perëndisë.

Populli: Ty, o Zot.

² Kur mesha kryhet në ditë jave, a kur është e kremte, në vend të "që u ngjalle së vdekurish" thuhet: "o çudibërës ndër shenjtorë".

Priifti: *(me zë të ulët) Ti na ke dhënë hir të bëjmë këto lutje të përbashkëta e të bashkuara, dhe ke premtuar se kur dy ose tre pajtohen në emrin tënd, ti do t'ua plotësosh kërkesat; përmbushi tani lutjet e shërbëtorëve të tu për dobinë tonë, duke na dhënë njohjen e së vërtetës sate në botën e tanishme, dhe jetë të amëshuar në botën e ardhshme.*

Priifti: *(me zë të lartë) Se ti je Perëndi i mëshirshëm dhe njeridashës, dhe ty ta drejtojmë lavdinë, Atit e Birit dhe Shpirtit të Shenjtë, tani e përherë, e në jetë të jetëve.*

Populli: Amin.

Antifoni i tretë

Hyrja e Ungjillit bëhet teksa këndohet përleshorja.

Hyrja e vogël

Urata e Hyrjes

Priifti: *(me zë të ulët) O Zot Perëndia ynë, ti që vendose në qiej legjione dhe armata ëngjëjsh dhe kryeëngjëjsh që t'i shërbejnë lavdisë sate, jep që bashkë me hyrjen tonë të hyjnë dhe ëngjëj të shenjtë, që të bashkëmeshojnë me ne dhe të lëodojmë së bashku mirësinë tënde. Se ty të përket gjithë lavdia, nderi dhe adhurimi, Atit e Birit dhe Shpirtit të Shenjtë, tani e përherë e në jetë të jetëve.*

Priifti duke bekuar thotë:

(me zë të ulët) E bekuar është hyrja në shenjtëroren tënde, o Zot, gjithnjë; tani e përherë, e në jetë të jetëve. Amin.

Priifti: *(me zë të lartë) Urtësi. Le të qëndrojmë drejt.*

Populli: Ejani t'i falemi e t'i biem në gjuhë Krishtit. Shpëtona, o Bir i Perëndisë, që u ngjalle së vdekurish, ne që të këndojmë, Aliluia!

Kur mesha kryhet në ditë jave, në vend të "u ngjalle së vdekurish" thuhet "o çudibërës ndër shenjtorë". Në qoftë se meshon peshkop, ose më shumë se një priift, "Ejani t'i falemi..." këndohet nga ata në mes të Kishës, ndërsa psalltët përsërisin edhe një herë "Shpëtona, ...". Pastaj këndohet përleshorja e tingullit, e shenjtit të kishës, e shenjtit të ditës dhe shkurtorja, në qoftë se ka; përndryshe këndohet shkurtorja e të kremteve të mëdha (të Lartësimit të Kryqit, të Hyrjes së Hyjlindëses në tempull, të Krishtlindjes, të Ujit të Bekuar, të Ipapandisë, të Ungjillëzimit, të Pashkës, të Ngritjes në

qiell, të Shpërftytyrimit, të Fjetjes së Hyjlindëses), ndërsa në të dielat e tjera shkurtorja e mëposhtme:

O mbrojtje e të krishterëve që nuk turpërohet, ndërmjetësim i padështuar ndaj krijuesit, dëgjo zërat e lutjeve të mëkatarëve, ne që të thërresim me besim, dhe shpejtohu si e mirë për të na ndihmuar, nxito të ndërmjetësosh dhe shpejto të ndërhysh, o Hyjlindëse, se ti mbron gjithmonë ata që të nderojnë.

Himni trishenjtor

Prifti: Le t'i lutemi Zotit.

Populli: Mëshiro, o Zot.

Prifti: *(me zë të ulët)* O Perëndi i shenjtë, që prehesh në vende të shenjta, ti himnohesh me këngë trishenjtoje nga serafimet, ti lëvdohesh nga keruvimet e adhurohesh nga çdo fuqi qiellore; ti solle gjithësinë në ekzistencë nga e mosqena; ti krijove njeriun sipas imazhit dhe ngjasimit tënd, duke e zbukuruar me gjithë dhuntitë e tua; ti u jep urtësi e mençuri atyre që e kërkojnë; ti nuk e heq sysh mëkatarin, por vendose pendimin për shpëtim; ti na bërë të denjë, ne shërbëtorët e tu të përulur e të pavlerë, të qëndrojmë denjësisht në këtë çast para lavdisë së altarit tënd të shenjtë dhe të të parashtrojmë adhurimin dhe lavdinë që të detyrohemi. Ti, o Zot, prano nga goja jonë mëkatore himnin trishenjtor dhe vizitona me mirësinë tënde. Falna çdo faj të bërë me dashje e pa dashje; shenjtërona shpirtat dhe trupat tanë; dhe jep që të të adhurojmë në shenjtëri gjatë gjithë ditëve të jetës sonë; me ndërmjetësimet e Hyjlindëses së shenjtë, dhe gjithë shenjtorëve që të kanë pëlqyer në çdo epokë.

Prifti: *(me zë të lartë)* Se i shenjtë je, o Perëndia ynë, dhe ty ta drejtojmë lavdinë, Atit e Birit edhe Shpirtit të Shenjtë, tani e përherë, e në jetë të jetëve.

Populli: Amin. Shenjt Perëndi, Shenjt i fuqishëm, Shenjt i pavdekshëm, mëshirona *(tri herë)*.

Lavdi Atit e Birit edhe Shpirtit të Shenjtë.

Tani e përherë e në jetë të jetëve. Amin.

Shenjt i pavdekshëm, mëshirona.

Prifti: Fuqi.

Populli: Shenjt Perëndi, Shenjt i fuqishëm, Shenjt i pavdekshëm, mëshirona.

Prifti: *(me zë të ulët) I bekuar je mbi fronin e laudisë së mbretërisë sate, ti që rri mbi keruvimet, gjithnjë; tani e përherë, e në jetë të jetëve. Amin.*

Leximet

Lexuesi këndon vargun e parë të Apostullit

Prifti: Le të vëmë re!

Lexuesi këndon vargun e dytë

Prifti: Urtësi!

Lexuesi: *Leximi nga Letra e ...*

Prifti: Le të vëmë re!

Lexuesi vazhdon Apostullin.

Prifti: *(me zë të ulët) I bekuar është Perëndia ynë gjithnjë; tani e përherë, e në jetë të jetëve. Amin.*

Temjam të blatojmë, o Krisht Perëndi, si aromë kundërmimi shpirtëror, të cilën mbasi ta pranosh në altarin tënd qiellor, dërgona si shpërblim hirin e Shpirtit tënd të tërëshenjtë.

Prifti temjanis rreth Tryezës së shenjtë, Blatoren e shenjtë; del te Dera e bukur dhe temjanis ikonat zotërore, fronin kreypriftëror dhe popullin. Kthehet në Hierore, temjanis Tryezën e shenjtë, priftin dhe gjithë priftërinjtë.

Urata para Ungjillit:

Prifti: *(me zë të ulët) O Zot njeridashës, jep që të shkëlqejë në zemrat tona drita e kulluar e dijes hyjnore dhe çelna sytë e mendjes për të kuptuar mësimet e ungjillit tënd.*

Gjithashtu mbill tek ne frikën e porosive të tua të bekuara, që mbasi të mundim të gjitha dëshirat trupore, të ndryshojmë drejt një jete shpirtërore, duke menduar e duke bërë ato që të pëlqejnë. Se ti je ndriçimi i shpirtrave dhe i trupave tanë, o Krisht Perëndi, dhe ty ta drejtojmë laudinë, bashkë me Atin tënd që s'ka fillim, dhe Shpirtin tënd të tërëshenjtë, të mirë e jetëdhënës, tani e përherë, e në jetë të jetëve. Amin.

Prifti: *(me zë të lartë) Paqe ty që lexove, dhe gjithë popullit.*

Populli: *Aliluia (tri herë).*

Prifti: *(me zë të lartë)* Urtësi. Drejt. Le të dëgjojmë Ungjillin e shenjtë. Paqe të gjithëve!

Populli: Dhe në shpirtin tënd.

Prifti: Leximi nga Ungjilli i shenjtë sipas ... *(emri)*; Le të vëmë re.

Populli: Lavdi Ty, o Zot, lavdi Ty.

Mbas Ungjillit:

Populli: Lavdi Ty, o Zot, lavdi Ty.

Në shumicën e kishave ortodokse, lutjet që vijojnë, deri te Himni keruvik, lexohen nga prifti me zë të ulët, ndërsa psalltët këndojnë keruvikun.

Litania e madhe

Prifti: Le të themi të gjithë me gjithë shpirt e me gjithë mendjen tonë, le të themi:

Populli: Mëshiro, o Zot *(tri herë)*.

Prifti: O Zot i plotfuqishëm, Perëndi i etërve tanë, të lutemi, dëgjo e mëshiro.

Populli: Mëshiro, o Zot *(tri herë)*.

Prifti: Mëshirona, o Perëndi, sipas mëshirës sate të madhe, të lutemi, dëgjo e mëshiro.

Populli: Mëshiro, o Zot *(tri herë)*.

Prifti: Lutemi dhe për Kryepeshkopin tonë ... *(emri)*.

Populli: Mëshiro, o Zot *(tri herë)*.

Prifti: Lutemi dhe për vëllezërit tanë: priftërinjtë, priftmurgjit, dhjakonët, murgjit dhe për gjithë vëllazërinë tonë te Krishti.

Populli: Mëshiro, o Zot *(tri herë)*.

Prifti: Lutemi dhe për mëshirë, jetë, paqe, shëndet, shpëtim, përkujdesje, ndjesë e falje të mëkateve të shërbëtorëve të Perëndisë, gjithë të krishterët e devotshëm ortodoksë, ata që banojnë e vizitojnë këtë qytet (ose *fshat*) e famulli.

Populli: Mëshiro, o Zot (*tri herë*).

Prifti: Lutemi dhe për të lumurit, të gjithmonëkujtuarit themelues të kësaj kishe të shenjtë, dhe për gjithë vëllezërit e motrat tona që kanë fjetur e prehen këtu në besim të vërtetë; dhe për gjithë ortodoksët kudo që ndodhen.

Populli: Mëshiro, o Zot (*tri herë*).

Prifti: Lutemi dhe për ata që sjellin pemë e përkujdesen për këtë kishë të shenjtë e të nderuar, ata që mundohen, ata që këndojnë, dhe për popullin e pranishëm këtu, i cili pret prej teje mëshirën e madhe e të pasur.

Populli: Mëshiro, o Zot (*tri herë*).

Prifti: *(me zë të ulët)* O Zot Perëndia ynë, pranoje këtë lutje të nxehtë nga shërbëtorët e tu dhe mëshirona në shumicën e mëshirës sate; dhe dërgo dhembshuritë e tua mbi ne dhe mbi gjithë popullin tënd, i cili pret prej teje mëshirën e pasur.

Prifti: *(me zë të lartë)* Se ti je Perëndi i mëshirshëm dhe njeridashës dhe ty ta drejtojmë lavdinë, Atit, Birit dhe Shpirtit të Shenjtë, tani e përherë, e në jetë të jetëve.

Populli: Amin.

Prifti: O katikumenë, lutjuni Zotit. O besimtarë, le të lutemi për katikumenët.

Populli: Mëshiro, o Zot

Prifti: Që t'i mëshirojë Zoti; që t'u mësojë fjalën e së vërtetës; që t'u zbulojë ungjillin e drejtësisë; që t'i bashkojë me Kishën e shenjtë, katolike dhe apostolike.

Populli: Mëshiro, o Zot

Prifti: Shpëtoi, mëshiroi, ndihmoi dhe ruaji, o Perëndi, me hirin tënd.

Populli: Mëshiro, o Zot

Prifti: O katikumenë, përkuljuni Zotit.

Populli: Ty, o Zot.

Urata e katikumenëve (para hapjes së Andiminsit):

Prifti: *(me zë të ulët) O Zot, Perëndia ynë, ti banon në lartësi dhe këqyr ultësirat, ti i dërgove gjinisë së njerëzve shpëtimin, Birin tënd të vetëmlindur dhe Perëndi, Zotin tonë Jezu Krisht; hidh sytë mbi shërbëtorët e tu katikumenë që kanë ulur kokën para teje, dhe bëji të denjë në çastin e përshtatshëm për larjen e rilindjes, për ndjesën e mëkateve dhe për veshjen e mosprishjes; bashkoi ata me Kishën tënde të shenjtë, katolike dhe apostolike, dhe renditi në grigjën tënde të zgjedhur.*

Prifti: *(me zë të lartë) Që dhe ata të lëvdajnë bashkë me ne emrin tënd të nderuar e madhështor, të Atit, Birit dhe Shpirtit të Shenjtë, tani e përherë, e në jetë të jetëve.*

Populli: Amin.

Prifti: Sa jeni katikumenë, shkoni; o katikumenë, shkoni; sa jeni katikumenë, shkoni. Asnjë nga katikumenët të mos qëndrojë.

Mesha e besimtarëve

Prifti: Sa jeni besimtarë, përsëri dhe përsëri me paqe, le t'i lutemi Zotit.

Populli: Mëshiro, o Zot.

Urata e parë e besimtarëve

Prifti: *(me zë të ulët) Të falënderojmë, o Zot, Perëndi i fuqive, se na bëre të denjë të qëndrojmë dhe tani para altarit tënd të shenjtë e të kërkojmë përulësisht dhembshuritë e tua, për mëkatet tona dhe për ato të popullit bërë nga padija. Prano, o Perëndi, lutjen tonë dhe bëna të denjë të të ofrojmë lutje, kërkesa dhe flijime pa gjakderdhje për gjithë popullin tënd. Dhe ne që na caktove në këtë shërbesë tënden, aftësona me fuqinë e Shpirtit tënd të Shenjtë të të thërresim pa fajësi dhe pa pengesa, me dëshminë e ndërgjegjjes sonë të pastër, në çdo kohë e vend, në mënyrë që mbasi të na dëgjosh, të tregohesh i butë në*

shumicën e mirësisë sate.

Prifti: Ndhimona, shpëtona, mëshirona dhe ruajna, o Perëndi, me hirin tënd.
Urtësi.

Prifti: Se ty të përket gjithë lavdia, nderi dhe adhurimi, Atit, Birit dhe Shpirtit të Shenjtë, tani e përherë, e ne jetë te jetëve.

Populli: Amin.

Prifti: Përsëri dhe përsëri me paqe, le t'i lutemi Zotit.

Populli: Mëshiro, o Zot.

Prifti: Ndhimona, shpëtona, mëshirona dhe ruajna, o Perëndi, me hirin tënd.
Urtësi.

Populli: Mëshiro, o Zot.

Prifti: Urtësi.

Urata e dytë e besimtarëve

Prifti: *(me zë të ulët) Përsëri e shumë herë të biem në gjunjë e të përgjërohemi, o i mirë dhe njeridashës, se duke dëgjuar lutjen tonë do të na pastrosh shpirtrat dhe trupat nga çdo ndotje mishi e fryme; dhe do të na bësh të qëndrojmë para altarit tënd të shenjtë pa fajësi e pa dënim. Gjithashtu, o Perëndi, dhuroju atyre që luten bashkë me ne ecuri të begatshme në jetë, në besim, dhe mençuri spirituale; jep që të të adhurojnë gjithnjë me frikë dhe dashuri, të marrin pjesë në misteret e tua të shenjta pa fajësi e pa dënim dhe të bëhen të denjë për mbretërinë tënde qiellore.*

Prifti: *(me zë të lartë) Që të jemi gjithnjë të mbrojtur nga fuqia jote, ty ta drejtojmë lavdinë, Atit, Birit dhe Shpirtit të Shenjtë, tani e përherë, e në jetë të jetëve.*

Himni keruvik dhe Hyrja e madhe

Populli: Amin. Ne që shëmbëllemë në mister keruvimet, dhe i këndojmë himnin trishenjtor Trinisë jetëdhënëse, le të lëmë mënjanë çdo përkujdesje për jetën; Sepse po presim mbretin e gjithësisë ...

Prifti: *(me zë të ulët)* Asnjë që është lidhur mbas dëshirave dhe kënaqësive trupore nuk është i denjë të të afrohet, të të vijë pranë, a të të shërbejë ty, o mbret i laudisë. Se shërbesa tek ti është diçka e madhe dhe e frikshme dhe për fuqitë qiellore. Por nga dashuria jote e parrëfyeshme dhe e pakufishme për njeriun, ti u bërë njeri pa u ndryshuar e pa u tjetërsuar. Ti na ke shërbyer si Kryepriifti ynë, dhe si Zot i gjithësisë na dorëzove shërbesën e shenjtë të këtij flijimi liturgjik e pa gjakderdhje.

Se vetëm ti, o Zot Perëndia ynë, i sundon të gjitha sa janë në qiell e në tokë, ti rri mbi fronin keruvik, Zoti i serafimeve dhe mbret i Izraelit, ti je i vetmi shenjt dhe prehesh në vende të shenjta. Të lutem pra, ty, të vetmit të mirë dhe të gatshëm për të dëgjuar; hidh sytë mbi mua shërbëtorin tënd mëkatar dhe të padenjë, dhe pastroma shpirtin dhe zemrën nga ndërgjegjja e keqe, dhe aftësomë me fuqinë e Shpirtit tënd të Shenjtë, mua që jam veshur me hirin e priiftërisë, të qëndroj para Tryezës sate të shenjtë, dhe të meshoj misterin e flijimit të trupit tënd të shenjtë e të pacënuar dhe gjakut tënd të çmuar.

Se tek ti vij duke ulur kokën dhe ty të lutem; mos më hiq sysh, as mos më ler jashtë rrethit të fëmijve të tu, por prano të të blatohen këto dhurata prej meje, shërbëtorit tënd mëkatar dhe të padenjë. Se ti je blatusi dhe i blatuari, ai që pranon dhe që jep vetveten, o Krisht Perëndia ynë, dhe ty ta drejtojmë laudinë, bashkë me Atin tënd që s'ka fillim dhe Shpirtin tënd të tërëshenjtë, të mirë e jetëdhënës, tani e përherë e në jetë të jetëve. Amin.

Priifti temjanis Tryezën e Shenjtë, ikonat dhe popullin duke thënë me zë të ulët: "Ne që pamë ngjalljen e Krishtit ..." dhe pastaj Psalmin 50. Dhe bëhet Hyrja e Madhe.

Prifti: *(me zë të lartë)* Të gjithë juve, dhe gjithë të krishterët ortodoksë, ju kujtoftë Zoti Perëndi në mbretërinë e tij, gjithnjë; tani e përherë, e në jetë të jetëve.

Populli: Amin.

Priifti ndalet në mes të kishës, kthehet nga populli dhe thotë:

Prifti: Për kryepeshkopin tonë *(emri)* dhe gjithë vëllazërinë tonë te Krishti, kombin tonë të devotshëm dhe pushtetarët e tij; të gjithë ata që banojnë e ndodhen në këtë qytet; famulltarët, këshilltarët, ata që ndihmojnë e dhurojnë në këtë kishë të shenjtë, si dhe të gjithë ne që marrim pjesë në këtë Meshë Hyjnore.

Populli: Amin.

Prifti: Ndërtuesit e lumur e të gjithmonëkujtuar; ata që ranë për fe e për atdhe; gjithë etërit, nënat, vëllezërit e motrat tona që kanë fjetur me shpresën e Ngjalljes; i kujtoftë Zoti Perëndi në mbretërinë e tij, gjithnjë; tani e përherë, e në jetë të jetëve.

Populli: Amin. Sepse po presim mbretin e gjithësisë, i pasuar padukshëm nga rendet ëngjëllore. Aliluia, Aliluia, Aliluia.

Duke vendosur dhuratat e çmuara mbi Tryezën e Shenjtë:

Lutjet plotësuese

Prifti: Le ta plotësojmë lutjen tonë ndaj Zotit.

Populli: Mëshiro, o Zot.

Prifti: Për dhuratat e çmuara të paraqitura, le t'i lutemi Zotit.

Populli: Mëshiro, o Zot.

Prifti: Për këtë shtëpi të shenjtë dhe për ata që hyjnë këtu me besim, nderim e frikë Perëndie, le t'i lutemi Zotit.

Populli: Mëshiro, o Zot.

Prifti: Për të na ruajtur nga çdo trishtim, zemërim, rrezik e shtrëngim, le t'i lutemi Zotit.

Populli: Mëshiro, o Zot.

Prifti: Ndhimona, shpëtona, mëshirona dhe ruajna, o Perëndi, me hirin tënd.

Populli: Amin.

Prifti: Që gjithë dita të jetë e përsosur, e shenjtë, paqësore dhe e pamëkatshme, le t'i kërkojmë Zotit.

Populli: Falna, o Zot.

Prifti: Një ëngjëll të paqes, udhërrëfyes besnik, mbrojtës të shpirttrave e të trupave tanë, le t'i kërkojmë Zotit.

Populli: Falna, o Zot.

Prifti: Ndjesë dhe falje të mëkateve e të fajeve tona, le t'i kërkojmë Zotit.

Populli: Falna, o Zot.

Prifti: Të mirat dhe të dobishmet për shpirtrat tanë, dhe paqe për botën, le t'i kërkojmë Zotit.

Populli: Falna, o Zot.

Prifti: Për të kaluar në paqe dhe në pendim jetën që na mbetet, le t'i kërkojmë Zotit.

Populli: Falna, o Zot.

Prifti: Një fund të krishterë të jetës sonë, të padhimbshëm, të paturpëruar e paqësor, dhe mbrojtje të mirë para gjyqit të frikshëm të Krishtit, le të kërkojmë.

Populli: Falna, o Zot.

Prifti: Duke kujtuar të tërëshenjtën, të pacënuarën, të mbibekuarën, të lëvduarën, Zonjën tonë Hyjlindëse dhe gjithmonë Virgjëreshën Mari, bashkë me gjithë shenjtorët, le t'ia besojmë veten tonë e njëri-tjetrin dhe gjithë jetën tonë, Krishtit Perëndisë.

Populli: Ty, o Zot.

Urata e blatimit:

Prifti: *(me zë të ulët) O Zot, Perëndi i plotfuqishëm, i vetmi i shenjtë, që pret flijime lëvodimi nga ata që të thërresin me gjithë zemër, prano dhe lutjen tonë të mëkatarëve dhe çoje në altarin tënd të shenjtë; aftësona të të ofrojmë dhurata e flijime shpirtërore për mëkatet tona si dhe për ato që bën populli nga padija. Bëna të denjë të gjejmë hir para teje, që të mirëpresësh flijimin tonë, dhe Shpirti i mirë i hirit tënd të mbulojë ne dhe këto dhurata që ndodhen para nesh, dhe gjithë popullin tënd.*

Prifti: *(me zë të lartë) Me përdëllimet e Birit tënd të vetëmlindur, me të cilin je i bekuar, bashkë me Shpirtin tënd të tërëshenjtë, të mirë e jetëdhënës, tani e përherë, e në jetë të jetëve.*

Populli: Amin.

Prifti: Paqe të gjithëve.

Populli: Dhe në shpirtin tënd.

Prifti: Le të duam njëri-tjetrin, që në pajtim të rrëfejmë:

Populli: Atin, Birin dhe Shpirtin e Shenjtë, Trininë e njëqenshme e të pandarë.

Prifti: *(me zë të ulët)* Do të të dua, o Zot, fuqia ime, Zoti është mbështetja ime, streha ime dhe mbrojtësi im.

Prifti: *(me zë të lartë)* Dyert! Dyert! Me urtësi, le të vëmë re.

Besorja

Populli:

Besoj në një Perëndi, At të plotfuqishëm, krijues të qiellit e të dheut dhe gjithçkaje të dukshme e të padukshme.

Dhe në një Zot, Jezu Krishtin, Birin e Perëndisë, të vetëmlindurin, që lindi nga Ati para gjithë epokave. Dritë prej drite, Perëndi i vërtetë prej Perëndie të vërtetë, i lindur jo i bërë, i njëqenshëm me Atin, nëpërmjet të cilit u bënë të gjitha.

Për ne njerëzit dhe për shpëtimin tonë, zbriti nga qiejt dhe u trupëzua nga Shpirti i Shenjtë e Virgjëresha Mari dhe u bë njeri.

U kryqëzua për ne në kohën e Pontit Pilat, dhe pësoi e u varros.

Dhe u ngjall ditën e tretë, sipas Shkrimeve.

Dhe u ngjit në qiej e rri në të djathtë të Atit.

Dhe do të vijë përsëri me lavdi, të gjykojë të gjallët e të vdekurit, mbretëria e të cilit nuk do të ketë fund.

Dhe në Shpirtin e Shenjtë, Zot, jetëdhënës, që buron nga Ati, që adhurohet e lëvdohet bashkë me Atin e me Birin, që foli me anën e profetëve.

Në një Kishë, të shenjtë, katolike, dhe apostolike.

Rrëfej një pagëzim për faljen e mëkateve.

Pres ngjalljen e të vdekurve.

Dhe jetën e ardhshme të amëshuar. Amin.

Blatimi i shenjtë

Prifti: Le të qëndrojmë mirë; le të qëndrojmë me drojë; le të vëmë re, që të ofrojmë në paqe blatimin e shenjtë.

Populli: Mëshirë dhe paqe, flijim i lëvdimit.

Prifti: Hiri i Zotit tonë Jezu Krisht dhe dashuria e Perëndisë e Atit dhe kungimi i Shpirtit të Shenjtë, qoftë me ju të gjithë.

Populli: Dhe në shpirtin tënd.

Prifti: Lart, le t'i ngremë zemrat.

Populli: I kemi te Zoti.

Prifti: Le ta falënderojmë Zotin.

Populli: E meriton dhe është e drejtë.

Prifti: *(me zë të ulët) E meriton dhe është e drejtë të të himnojmë, të të bekojmë, të të lëvdojmë, të të falënderojmë, të të falemi në çdo vend të zotërimit tënd. Se ti je Perëndi, i pashprehshëm, i pakuptueshëm, i padukshëm, i paperceptueshëm; gjithnjë i qenshëm, gjithnjë i njëjti; ti dhe Biri yt i vetëmlindur dhe Shpirti yt i Shenjtë. Ti na solle nga e mosqena në ekzistencë; dhe kur ramë na ngrite përsëri; dhe nuk le asgjë pa bërë, gjersa na çove lart në qiell dhe na fale mbretërinë tënde të ardhshme.*

Për të gjitha këto të falënderojmë, ty dhe Birin tënd të vetëmlindur dhe Shpirtin tënd të Shenjtë, për të gjitha të mirat që na janë bërë, të njohura e të panjohura, të shfaqura e të fshehura.

Të falënderojmë dhe për këtë meshë që pëlqeve të pranosh nga duart tona, edhe pse qëndrojnë rreth teje mijëra kryeëngjëj dhe dhjetra mijëra ëngjëj, keruvimet dhe serafimet gjashtëkrahëshe, të shumësishme, që fluturojnë në ajër,

Prifti: Duke kënduar himnin ngadhnjyes, me zë të lartë, duke thirrur, e duke thënë:

Populli: Shenjt, Shenjt, Shenjt, Zoti Savaóth; qielli e dheu janë mbushur me lavdinë tënde. Hosaná në lartësira. I bekuar është ai që vjen në emrin e Zotit. Hosaná, në lartësira.

Prifti: *(me zë të ulët) Bashkë me këto fuqi të bekuara, dhe ne, o Zot njeridashës, thërresim e themi: I shenjtë e i tërëshenjtë je ti dhe Biri yt i vetëmlindur dhe Shpirti yt i Shenjtë. I shenjtë e i tërëshenjtë je dhe madhështore është lavdia jote; ti që e deshe botën tënde aq sa fale dhe Birin tënd të vetëmlindur, që çdo njeri që beson tek ai të mos humbasë por të ketë jetë të amëshuar; i cili si erdhi dhe plotësoi për ne gjithë ekonominë, natën që dorëzohej, ose më mirë dorëzonte veten e tij për jetën e botës, si mori bukën në duart e tij të shenjta, të pacënuara e të papërlyera, si falënderoi dhe e bekoi, e shenjtëroi, e theu dhe ua dha nxënësve dhe apostujve të tij të shenjtë, duke thënë:*

Prifti: *(me zë të lartë) Merrni, hani, ky është trupi im, që thyhet për ju, për ndjesën e mëkateve.*

Populli: Amin.

Prifti: *(me zë të ulët) Gjithashtu dhe kupën pas darkës duke thënë:*

Prifti: *(me zë të lartë) Pini nga ky të gjithë; ky është gjaku im i besëlidhjes së re, që derdhet për ju dhe për shumë, për ndjesën e mëkateve.*

Populli: Amin.

Prifti: *(me zë të ulët) Duke kujtuar, pra, këtë porosi të Shpëtimtarit dhe të gjitha sa janë bërë për ne, Kryqin, Varrin, Ngjalljen triditëshe, Ngjitjen në qiej, fronëzimin në të djathtë të Atit, dhe ardhjen e dytë të lavdishme përsëri;*

Prifti: *(me zë të lartë) Duke të blatur dhuratat e tua, nga të tuat - në të gjitha e për të gjitha.*

Populli: Të himnojmë, të bekojmë, ty të falënderojmë, o Zot, dhe të lutemi, Perëndia ynë.

Prifti: *(me zë të ulët) Të blatojmë dhe këtë adhurim shpirtëror e pa gjakderdhje, dhe kërkujmë prej teje, të lutemi e të përulemi; dërgo Shpirtin tënd të Shenjtë mbi ne; dhe mbi këto dhurata që paraqiten këtu.*

Dhe bëje këtë bukë, Trup të çmuar të Krishtit tënd. Amin.

Dhe atë që është në këtë Kupë, bëje Gjak të çmuar të Krishtit tënd. Amin.

Duke i ndryshuar me anën e Shpirtit tënd të Shenjtë. Amin. Amin. Amin.

Që të bëhen për ata që kungohen vigjilencë shpirti, ndjesë mëkatesh, kungim i Shpirtit tënd të Shenjtë, plotëri e mbretërisë së qiejve, guxim para teje, jo në gjykim a në dënim.

Gjithashtu po të blatojmë këtë adhurim shpirtëror edhe për ata që kanë ikur të prehen në besim; stërgjyshët, etërit, patrikët, profetët, asketët dhe për çdo shpirt të drejtë që është përkryer në besim.

Prifti: *(me zë të lartë)* Mbi të gjitha, të Tërëshenjtën, të pacënuarën, të mbibekuarën, të lëvduarën, Zonjën tonë Hyjlindëse dhe gjithmonë Virgjëreshën Mari.

Populli: Ti meriton me të vërtetë të të lumërojmë, o Hyjlindëse, gjithmonë e bekuar, e tejkualluar dhe mëma e Perëndisë sonë. Më e nderuar se keruvimet dhe pa krahasim më e lëvduar se serafimet, që pa u cënuar linde Fjalën Perëndi; Ty të madhërojmë, vërtetë Hyjlindëse!

Prifti: *(me zë të ulët)* Për profetin, pararendësin dhe pagëztorin shën Joan; Apostujt e shenjtë, të lavdishëm e të dëgjuar; shën... (i ditës), kujtimin e të cilit po kremtojmë sot, dhe gjithë shenjtoret e tu, me lutjet e të cilëve vizitona, o Perëndi.

Dhe kujto gjithë ata që kanë fjetur me shpresën e ngjalljes për jetën e amëshuar... (emrat e të ikurve). Dhe prehi ata, o Perëndia ynë, atje ku mbikëqyr drita e fytyrës sate.

Gjithashtu të lutemi, kujto o Zot gjithë peshkopët ortodoksë, ata që lëçisin drejt fjalën e së vërtetës sate, gjithë priftërinë, dhjakonatën te Krishti dhe çdo urdhër priftëror e murgjëror.

Gjithashtu të blatojmë këtë adhurim shpirtëror për gjithë botën, për Kishën e shenjtë, katolike dhe apostolike, për ata që e kalojnë jetën në pastërti e shenjtëri, si dhe për të gjithë pushtetarët; falu këtyre, o Zot, qeverisje paqësore, në mënyrë që në qetësinë e tyre edhe në të bëjmë jetë në paqe e pa trazira, në adhurim e shenjtëri.

Prifti: *(me zë të lartë)* Mbi të gjithë, kujto, o Zot, Kryepeshkopin tonë (emri), që t'iu shërbejë kishave të tua të shenjta në paqe, siguri, nder, shëndet, jetëgjatësi, që të shpjegojë drejt fjalën e së vërtetës sate.

Prifti: Dhe gjithë ata që secili ka ndër mend, dhe gjithë njerëzit.

Populli: Dhe gjithë njerëzit.

Prifti: *(me zë të ulët)* Kujto, o Zot, qytetin ku banojmë, çdo qytet e fshat, dhe besimtarët që banojnë atje. Kujto, o Zot, ata që udhëtojnë në tokë, det e ajër, të sëmuret, ata që vuajnë, ata që ndodhen në robëri, duke u falur mbrojtje e shpëtim. Kujto, o Zot, ata që sjellin pemë dhe shërbejnë në Kishat e tua të shenjta, dhe ata që përkujdesen për të varfërit. Dhe dërgo mbi gjithë ne mëshirat e tua.

Prifti: *(me zë të lartë)* Dhe jepna që me një gojë e me një zemër, të lëvdojmë e të himnojmë emrin tënd të nderuar dhe madhështor, të Atit e Birit dhe Shpirtit të Shenjtë, tani e përherë, e në jetë të jetëve.

Populli: Amin.

Prifti: Dhe mëshirat e Perëndisë së madh dhe Shpëtimtarit tonë Jezu Krisht, do të jenë me ju të gjithë.

Populli: Dhe në shpirtin tënd.

Prifti: Mbasi përkujtuam gjithë shenjtoret, përsëri dhe përsëri me paqe, le t'i lutemi Zotit.

Populli: Mëshiro, o Zot.

Prifti: Për dhuratat e çmuara, që u blatuan e u shenjtëruan, le t'i lutemi Zotit.

Populli: Mëshiro, o Zot.

Prifti: Që Perëndia ynë njeridashës, i cili i pranoi ato në altarin e tij të shenjtë, qiellor e të palëndshëm, si aromë kundërmimi shpirtëror, të na dërgojë si shpërblim hirin hyjnor dhe dhuratën e Shpirtit të Shenjtë, le të lutemi.

Populli: Mëshiro, o Zot.

(Seksioni i mëposhtëm që shënohet me italicë, në shumë kisha mund të mos këndohet)

Prifti: Për të na ruajtur nga çdo trishtim, zemërim, rrezik e shtrëngim, le t'i lutemi Zotit.

Populli: Mëshiro, o Zot.

Prifti: Ndhimona, shpëtona, mëshirona dhe ruajna, o Perëndi, me hirin tënd.

Populli: Amin.

Prifti: Që gjithë dita të jetë e përsosur, e shenjtë, paqësore dhe e pamëkatshme, le t'i kërkojmë Zotit.

Populli: Falna, o Zot.

Prifti: Një ëngjëll të paqes, udhërrëfyes besnik, mbrojtës të shpirtit dhe të trupave tanë, le t'i kërkojmë Zotit.

Populli: Falna, o Zot.

Prifti: Ndjesë dhe falje të mëkateve e të fajeve tona, le t'i kërkojmë Zotit.

Populli: Falna, o Zot.

Prifti: Të mirat dhe të dobishmet për shpirtrat tanë, dhe paqe për botën, le t'i kërkojmë Zotit.

Populli: Falna, o Zot.

Prifti: Për të kaluar në paqe dhe në pendim jetën që na mbetet, le t'i kërkojmë Zotit.

Populli: Falna, o Zot.

Prifti: Një fund të krishterë të jetës sonë, të padhimbshëm, të paturpëruar e paqësor, dhe mbrojtje të mirë para gjyqit të frikshëm të Krishtit, le të kërkojmë.

Populli: Falna, o Zot.

Prifti: Mbasi u lutëm për unitetin e besimit dhe kungimin e Shpirtit të Shenjtë, le t'ia besojmë veten tonë e njëri-tjetrit, dhe gjithë jetën tonë, Krishtit Perëndisë.

Prifti: (me zë të ulët) Tek ty varim gjithë jetën e shpresën tonë, o Zot njeridashës, dhe të kërkojmë, të lutemi e të përgjërohemi; bëna të denjë që me ndërgjegje të pastër të kungojmë misteret e tua qiellore e të frikshme të kësaj Tryeze të shenjtë dhe shpirtërore, për ndjesën e mëkateve, për faljen e fajeve, për kungimin e Shpirtit të Shenjtë, për trashëgiminë e mbretërisë së qiejve, për guxim para teje, jo në gjykim e në dënim.

Populli: Ty, o Zot.

Prifti: Dhe bëna të denjë, o Zot, që me kurajë e pa dënim, të guxojmë të të thërresim, At, ty Perëndinë qiellor, e të themi:

Lutja e Zotit

Populli:

Ati ynë që je në qiej, u shenjtëroftë emri yt, ardhhtë mbretëria jote, u bëftë vullneti yt, si në qiell dhe në tokë. Bukën tonë të përditshme, jepna sot; dhe falna mëkatet, ashtu si ne falim ata që mëkatojnë ndaj nesh; dhe mos na ler të biem në tundim, por ruajna nga i ligu.

Prifti: Se jotja është mbretëria, fuqia dhe lavdia, e Atit, e Birit dhe e Shpirtit të Shenjtë, tani e përherë, e në jetë të jetëve.

Populli: Amin.

Prifti: Paqe të gjithëve.

Populli: Dhe në shpirtin tënd.

Prifti: Le t'i përkulemi Zotit.

Populli: Ty, o Zot.

Prifti: *(me zë të ulët) Të falënderojmë, o Mbret i padukshëm, që i krijove të gjitha me fuqinë tënde të pakufishme; me mëshirën tënde të shumtë solle gjithçka në ekzistencë nga e mosqena; ti o Zot, hidh sytë nga qielli mbi ata që kanë ulur kokën para teje; se nuk e ulën para mishit dhe gjakut, por para teje, Perëndisë së frikshëm. Ti pra, o Zot, tregona udhën e jetës për të mirën tonë, sipas nevojës së veçantë të secilit; lundro me ata që janë në det; shoqëro ata që udhëtojnë; të sëmuret shëroi, o mjek i shpirtrave e i trupave tanë.*

Prifti: *(me zë të lartë) Njëpërmjet hirit, dhembshurisë dhe njeridashjes, të Birit tënd të vetëmlindur, me të cilin je i bekuar, bashkë me Shpirtin tënd të tërëshenjtë, të mirë e jetëdhënës, tani e përherë, e në jetë të jetëve.*

Populli: Amin.

Prifti: *(me zë të ulët) Dëgjona, o Zot Jezu Krisht, Perëndia ynë, nga banesa jote e shenjtë dhe nga fronti i lavdisë së mbretërisë sate, dhe eja të na shenjtërosh, ti që je i bashkëfronëzuar lart me Atin dhe që je i pranishëm këtu me ne padukshëm. Dhe me dorën tënde të fuqishme prano të na japësh trupin tënd të pacënuar, dhe Gjakun tënd të çmuar, dhe njëpërmjet nesh gjithë popullit.*

Prifti: *(me zë të lartë) Le të vemë re. Të shenjtat, për të shenjtët.*

Populli: Një është shenjt, një është Zot, Jezu Krishti, për lavdinë e Perëndisë, Atit. Amin.

Populli: Lëvdoni Zotin nga qiejt, lëvdojeni në lartësitë e Tij. Aliluia.

Prifti: *(me zë të ulët) Copëtohet dhe ndahet Qengji i Perëndisë, i cili copëtohet por nuk përndahet, i cili hahet gjithnjë dhe nuk mbarohet kurrë, por shenjtëron ata që e marrin.*

Plotëria e Shpirtit të Shenjtë. Amin.

E bekuar është nxehtësia e të shenjtave të tua, gjithnjë; tani e përherë e në jetë të jetëve. Amin.

Nxehtësia e Shpirtit të Shenjtë. Amin.

Urata për Kungimin hyjnor

Besoj, o Zot, dhe rrëfej se ti je me të vërtetë Krishti, Biri i Perëndisë së gjallë, që erdhe në botë të shpëtosh mëkatarët, nga të cilët unë jam i pari. Gjithashtu besoj se ky është vetë trupi yt i pacënuar dhe ky është vetë gjaku yt i çmuar. Të lutem pra, mëshiomë dhe falmi fajet, të bëra me dashje e pa dashje, me fjalë, me vepra, me dije e padije; dhe bëmë të denjë që të marr pjesë pa dënim në misteret e tua të pacënuara, për ndjesën e mëkateve dhe për jetën e amëshuar. Amin.

Si do të hyj unë i padenji në shkëlqimet e shenjtoreve të tu? Se në guxofsha të hyj në nusërore, rroba më tradhton, se s'është e dasmës, dhe i lidhur do të nxirrem jashtë nga ëngjëjt. Pastro, o Zot, ndotjen e shpirtit tim dhe shpëtomë; se ti je njeridashës.

O Zot njeridashës, Zoti Jezu Krisht, Perëndia im, mos qofshin këto të Shenjta për dënimin tim, sepse jam i padenjë, por për pastrim e shenjtërim të shpirtit dhe të trupit, dhe për të siguruar jetën dhe mbretërinë e ardhshme. Është mirë për mua të mbetem besnikërisht te Perëndia, të vë tek ai shpresën e shpëtimit tim.

Në darkën tënde mistike, më merr sot kungues, o Bir i Perëndisë; se nuk do t'ua them armiqve të tu misterin; nuk do të të puth si Juda; por duke të rrëfyer si kusari, thërres: Kujtomë, o Zot, në mbretërinë tënde.

Prifti: *(Përgatitet të kungojë misteret e pacënuara)*

Ja tek vij te Krishti, mbret i pavdekshëm dhe Perëndia ynë.

Trupi i çmuar dhe i tërëshenjtë i Zotit e Perëndisë dhe Shpëtimtarit tonë Jezu Krisht, më jepet mua priftit të padenjë... (emri), për ndjesën e mëkateve dhe jetën e amëshuar. Amin.

Pastaj prifti merr kupën e shenjtë dhe thotë:

Gjithashtu më jepet mua, priftit të padenjë... (emri), gjaku i çmuar dhe i tërëshenjtë i Zotit e Perëndisë dhe Shpëtimtarit tonë Jezu Krisht, për ndjesën e mëkateve dhe jetën e amëshuar. Amin.

Pastaj prifti vendos copat e Bukës së çmuar në kupën e shenjtë duke thënë:

Ne që pamë ngjalljen e Krishtit, le t'i falemi të shenjtit Zot Jezu, të vetmit të pamëkatshëm. Kryqit tënd po i falemi, o Krisht, dhe ngjalljen tënde të shenjtë himnojmë dhe lëvdojmë; se ti je Perëndia ynë, veç teje nuk njohim tjetër, emrin tënd thërrasim. Ejani, gjithë besimtarët, t'i falemi ngjalljes së shenjtë të Krishtit. Se ja tek erdhi nëpërmjet Kryqit gëzim në gjithë botën. Duke bekuar Zotin gjithmonë, himnojmë ngjalljen e tij; se duke duruar Kryqin për ne, me vdekje e zhduku vdekjen.

Kungimi i besimtarëve

Prifti: Me frikë Perëndie, besim e dashuri, afrohuni.

Prifti bën kungimin e besimtarëve.

Prifti: Shërbëtori i Perëndisë (*emri*) kungon trupin dhe gjakun e Krishtit, për ndjesën e mëkateve dhe jetën e amëshuar. Amin.

Populli:

Gjatë kungimit psaltët këndojnë:

Në darkën tënde mistike, më merr sot kungues, o Bir i Perëndisë; se nuk do t'ua them armiqve të tu misterin; nuk do të të uth si Juda; por duke të rrëfyer si kusari, thërres: Kujtomë, o Zot, në mbretërinë tënde.

Ndërsa gjatë periudhës së Pashkës, këtë që vijon:

Kungoni Trupin e Krishtit, shijoni nga burimi i pavdekshëm.

Prifti: (*me zë të lartë*) O Perëndi, shpëto popullin tënd dhe beko trashëgiminë tënde.

Populli: Ne pamë dritën e vërtetë, morëm Shpirtin qiellor, gjetëm besimin e vërtetë, duke iu falur Trinisë së pandarë, se Trinia na shpëtoi.

Prifti: (*me zë të ulët*) I bekuar është Perëndia ynë,

Kthehet pastaj nga populli e thotë:

Prifti: (*me zë të lartë*) Gjithnjë; tani e përherë e në jetë të jetëve.

Psalti: Amin.

Lutja e falënderimit

Prifti: Le të qëndrojmë drejt; mbasi u kunguam me misteret hyjnore, të shenjta, të kulluara, të pavdekshme, qiellore, jetëdhënëse dhe të frikshme të Krishtit, siç e meriton, le ta falënderojmë Zotin.

Ndihmona, shpëtona, mëshirona e ruajna, o Perëndi, me hirin tënd.

Populli: Mëshiro, o Zot.

Prifti: Mbasi kërkua që gjithë dita të jetë e përsosur, e shenjtë, paqësore dhe e pamëkatshme, le t'ia besojmë veten tonë e njëri-tjetrit dhe gjithë jetën tonë, Krishtit Perëndisë.

Populli: Ty, o Zot.

Prifti: *(me zë të ulët)* Të falënderojmë, o Zot njeridashës, bamirës i shpirtrave tanë, se edhe këtë ditë na bëre të denjë për misteret e tua qiellore dhe të pavdekshme. Tregona të ecim në rrugën e drejtë, me frikën tënde forcona të gjithëve, ruajna jetën, sigurona hapat; me uratat dhe lutjet e Hyjlindëses së lëvduar dhe gjithmonë Virgjëreshës Mari, dhe gjithë shenjtorëve të tu.

Prifti: *(me zë të lartë)* Se ti je shenjtërimi ynë, dhe ty ta drejtojmë lavdinë, Atit e Birit dhe Shpirtit të Shenjtë, tani e përherë, e në jetë të jetëve.

Populli: Amin.

Prifti: Me paqe le të shkojmë. Le t'i lutemi Zotit.

Populli: Mëshiro, o Zot *(tri herë)*. o Zot i shenjtë, beko.

Prifti: O Zot, ti bekon ata që të bekojnë dhe shenjtëron ata që kanë besim tek ty: shpëto popullin tënd dhe beko trashëgiminë tënde; ruaj plotërinë e Kishës sate, shenjtëro ata që duan hijeshinë e shtëpisë sate. Ti shpërbleji ata me lavdi, me fuqinë tënde hyjnore dhe mos na braktis ne që shpresojmë tek ty. Fali paqe botës sate, kishave të tua, klerit, pushtetarëve e gjithë popullit tënd. Se çdo dhuratë e mirë dhe e përsosur zbret së larti prej teje, Atit të dritave; dhe ty ta drejtojmë lavdinë, falënderimin dhe adhurimin, Atit e Birit edhe Shpirtit të Shenjtë, tani e përherë e në jetë të jetëve.

Populli: Amin. Emri i Zotit qoftë i bekuar, që tani e përjetë *(tri herë)*.

Prifti shkon në Blatore e thotë:

Prifti: *(me zë të ulët) O Krisht, Perëndia ynë, përmbushja e ligjit dhe e profetëve, ti që përmbushe gjithë ekonominë e Atit, mbushi me gëzim dhe ngazëllim zemrat tona, gjithnjë; tani e përherë e në jetë të jetëve. Amin.*

Prifti: Le t'i lutemi Zotit.

Populli: Mëshiro, o Zot.

Prifti qëndron tek Dera e Bukur, bekon popullin e thotë:

Prifti: Bekimi dhe mëshira e Zotit ardh të mbi ju, me hirin e tij hyjnor dhe njeridashjen, gjithnjë, tani e përherë, e në jetë të jetëve.

Populli: Amin.

Prifti: Lavdi ty, o Perëndi, shpresa jonë, lavdi ty.

Prifti: Krishti, Perëndia ynë i vërtetë (Ai që u ngjall së vdekurish), me ndërmjetësimet e Zonjës sonë të pacënuar, Hyjlindëses dhe gjithmonë Virgjëreshës Mari; me fuqinë e Kryqit të çmuar dhe jetëdhënës, me mbrojtjet e fuqive qiellore të çmuara e pa trup; profetit të lavdishëm, të nderuar, pararendësit e pagëzorit Joan; të apostujve të shenjtë, të lavdishëm e të dëgjuar; të martirëve të shenjtë, të lavdishëm e mundës të shkëlqyer; të etërve tanë oshënarë e hyjprurës; të shën ... (*shenjtori i kishës*); të prindërve të hyjshëm, të shenjtë e të drejtë Joakim dhe Ana, të shën ... (*shenjtori i ditës*), kujtimin e të cilit kremtojmë, dhe gjithë shenjtorëve të tij, na mëshiroftë e na shpëtoftë, se është i mirë, njeridashës dhe i mëshirshëm.

Populli: Bekuesin dhe shenjtëruesin tonë, mbroje, o Zot, për shumë vjet.

Prifti: Me uratat e etërve tanë të shenjtë, o Zot Jezu Krisht, Perëndi, mëshirona dhe shpëtona.

Populli: Amin.

Prifti bekon duke thënë:

Prifti: Trinia e shenjtë, ju ruajtë të gjithëve.

Në vijim prifti ndan naforën tek të gjithë pjesëmarrësit, duke thënë:

Bekimi dhe mëshira e Zotit, ardh të mbi ju.

SHTESE

Falënderimi mbas kungimit

Uratë e Shën Vasilit:

O Zoti Krisht, Perëndi, Mbret i epokave dhe krijues i gjithësisë, të falënderoj për të gjitha të mirat që më ke dhënë dhe për kungimin me Misteret e tua të pacënuara e jetëdhënëse. Të lutem pra, o i mirë dhe njeridashës, më ruaj nën strehën tënde dhe nën hijen e krahëve të tu; dhe bëmë që gjer në frymën e fundit të kungohem denjësisht e me ndërgjegje të pastër me të shenjtat e tua, për ndjesë të mëkateve dhe për jetë të amëshuar; se ti je buka e jetës, burimi i shenjtërimit, dhënësi i të mirave, dhe ty ta drejtojmë lavdinë, bashkë me Atin e me Shpirtin e Shenjtë, tani e përherë, e në jetë të jetëve. Amin.

Uratë anonime

Të falënderoj, o Zot Perëndia im, se nuk më braktise mua mëkatarin, po më bëre të denjë të bëhem kungues i të Shenjtave të tua. Të falënderoj që mua të padenjnin më bëre të denjë të kungohem me dhuratat e tua të kulluara dhe qiellore. Po, o Zot njeridashës, ti që durove për ne vdekjen dhe u ngjalle, dhe na fale këto Mistere të frikshme dhe jetëdhënëse për dobinë dhe shenjtërimin e shpirtave dhe të trupave tanë, jep që këto dhurata të bëhen dhe për mua shërim shpirti e trupi, për prapësim të çdo gjëje kundërshtare, për ndriçimin e syve të zemrës sime, paqe të fuqive të mia shpirtërore, për besim të paturpëruar, për dashuri të pashtirur, për plotëri të urtësisë, për të ruajtur porositë e tua, për shtim të hirit tënd hyjnor dhe për të fituar mbretërinë tënde; që duke u ruajtur nëpërmjet tyre në shenjtërimin tënd, të kujtoj gjithmonë hirin tënd, dhe të mos rroj më vetëm për vete, po për ty, Zotin dhe bamirësin tim. Kështu, pra, kur të lë këtë jetë me shpresën e jetës së amëshuar, të arrij në prehjen e përjetshme, atje ku tingulli i atyre që festojnë dëgjohet papushim, tek dëfrimi i atyre që shohin bukurinë e pashprehshme të Fytyrës sate. Se ti je dëshira e vërtetë dhe ngazëllimi i papërshkrueshëm i atyre që të duan, o Krisht, Perëndia ynë, dhe ty të himnon përjetë gjithë krijesa. Amin.

Trupi yt i shenjtë, o Zot Jezu Krisht, Perëndia im, le të bëhet për mua fitim i jetës së përjetshme dhe Gjaku yt i çmuar ndjesë fajesh; dhe kjo lutje falënderimi le të më bëhet gëzim, shëndet dhe ngazëllim. Ti bëmë të denjë që në ardhjen tënde të dytë të qëndroj nga e djathta e lavdisë sate, me ndërmjetësimet e Mëmës sate të tejkulluar dhe të gjithë Shenjtorëve të tu. Amin.

Urata për Hyjlindësen e Tërëshenjtë:

O e Tërëshenjtë, Zonjë Hyjlindëse, drita e shpirtit tim të errësuar, shpresa, mbulesa, streha, ngushëllimi dhe gëzimi im, të falënderoj që më bërë të denjë mua të padenjin të bëhem kungues i Trupit të pacënuar dhe i Gjakut të çmuar të Birit tënd. Ti që linde dritën e vërtetë, ndriçomi sytë shpirtërorë të zemrës; ti që linde burimin e pavdekësisë, ngjallmë mua të vdekurin nga mëkati; o Mëmë përdëllimtare e Perëndisë mëshirues, mëshiromë dhe çiltëroje e përulë zemrën time, më jep përulësi në ide dhe çliromë nga robëria e mendimeve të mia. Ti bëmë të denjë që gjer në fund të jetës të marr pa dënim shenjtërimin e Mistereve të kulluara, për shërim të shpirtit e të trupit. Dhe jepmë, o Zonjë, lot pendimi dhe rrëfimi të të lëvdoj e të të madhëroj gjithë ditët e jetës sime, se e bekuar dhe e lëvduar je përjetë. Amin.